



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ludovico Magno Panegyricus

Orléans, Pierre Joseph d'

Rothomagi, 1673

Illustrissimo Viro Claudio Pellet Senatus Normanniæ Principi.

urn:nbn:de:hbz:466:1-12209



ILLUSTRISSIMO VIRO
CLAUDIO PELLOT
SENATUS NORMANNIÆ
PRINCIPI.



*ACTVS sum , VIR
ILLVSTRISSIME,
quod ne in animum qui-
dem venisset optare , unde
offerrem tibi dignum te , dignum Se-
natus principe munus , Regis imagi-
nem. Quæ etsi est adumbrata hic à me*

potius, quam expressa ad vivum; quis enim, nisi Apelles sit, bene Alexandrum pingat? habet hæc lineamenta certe, ex quibus Regum maximum populi discernant à Regibus cæteris, Tu earum virtutum exemplar, quas tibi proposueris ad imitationem, agnoscas.

Representabit illa tibi nempe, quam sectaris, dignam summi Magistratus splendore vitæ magnificentiam. Exhibebit, quam in te effinxisti, in audiendis supplicibus benignitatem, in causis discutiendis diligentiam, in contentionibus dirimendis aequitatem. Revocabit in memoriam à quo acceperis assiduitatem tantam in confessibus, tam constans tricarum forensium odium, tam incorruptum,

tam inaccessum gratiæ & largitionibus animum. Ponet ob oculos, quam adeo fæliciter es imitatus, artem condienda morum elegantia gravitatis, quæ sic judicem agis, ut nihil omittas quod sit urbani viri, sic privatæ vitæ colis officia, nihil ut de persona publicæ dignitate remittas. Dignus eo Rege Minister, qui Rex orbis terrarum maximus, vir regni sui numeris omnibus absolutissimus esse dicitur.

Inchoavit has in te quidem natura dotes, cum natum ad summa quæque animum indidit; corroboravit institutio, cum exultum literis politioribus ingenium finxit ad omnem humanitatem; perfecit vero Regis exemplum, cuius acturum te pro dignitate vices non putasti, nisi commissam tibi Rei-

publicæ partem , ijsdem quibus ipse
totam regit , virtutibus administrares.
Vale. Offerebat Rothomagi Kal. Ian.
anno M. DC. LXXIII.

A. T.

Addictissimus
PETRUS JOSEPHUS D'ORLEANS,
S. J.